

皇清經解續編

皇清經解彙編

皇清經解續編卷三百四十六

南菁書院

尚書今古文集解二十四

武進劉逢祿用

立政第二十四

周書

周公若曰拜手稽首告嗣天子王矣用咸戒于在曰王左右常

伯常任準人綴衣虎賁周公曰烏乎休茲知恤鮮哉

說文攷述也書曰常

攷常任段云璧中文孔讀爲伯準漢石經作辟綴楊雄雍州牧箴隄瑗北軍中侯箴作贅後案鮮當作鈔

王曰于時周公會羣臣其戒成王其言曰拜手稽首是周公

讚羣臣之辭休茲此五官美哉傳曰常所任事常所委任

謂三公六卿準人平法謂士官綴衣掌衣服虎賁以武力事

王皆王左右近臣宜得其人嘆此五者知憂得其人者少

後案據應劭漢官儀揚雄胡廣侍中箴常伯常任如漢侍中

之職 謹案準人如傳說則周爲司寇漢爲廷尉也蓋古者
諫無專官漢以御史大夫爲三公或改名司空其準人之職
與常伯蓋三公兼分陝者常任蓋六卿牧爲諸侯之長入爲
卿士亦在王左右故下並稱三事也

古之人迪惟有夏乃有室大競籲俊尊上帝迪知忱恂于九德
之行

王曰古之人道惟有夏之大禹爲天子也 孫云競彊也籲
呼也俊髦也忱誠恂信也九德之行卽皋陶所陳畢以田云
一二迪字當訓爲適迪卽由字山適也亦語詞

乃敢告敎厥后曰拜手稽首后矣曰宅乃事宅乃牧宅乃準茲

惟后矣

宅度
古通

卷二百四十六

南菁書刊

鄭曰殷之州牧曰伯虞夏及周曰牧

謀面用丕訓德則乃宅人茲乃三宅無義民

謀面上漢石經有亂字莊云丕當作

不訓順通王觀察讀義爲俄
衷也謂奇衷之民也今不從

謹案謀面言以貌取人用不順德以居三事則三事多非義

人矣

桀德惟乃弗作往任是惟暴德罔後

莊云弗拂通戾也多方謂之璽璽亦戾也桀德惟乃

弗句往徂也君所任使往來也言往任不言常任
亂世所用無常人也後當作俊字形相近而誤

亦越成湯陟丕釐上帝之耿命乃用三有宅克卽宅曰三有俊

克卽俊嚴惟丕式克用三宅三俊其在商邑用協于厥邑其在

四方用丕式見德

莊云三有俊之俊今文作會下三有俊心
漢石經作會孫云陟同勅丕語詞釐理也

傳曰三有俊剛柔正直三德之俊

後案詩三英粲兮毛傳

三英三德也鄭箋以為剛克柔克正直英俊同是才德兼入之名故亦以三俊為三德也

烏乎其在受德賢惟羞刑暴德之人同于厥邦乃惟庶習逸德

之人同于厥政

啓說文引作恣彊也

馬曰受德受所為德也謹案羞刑暴德謂任刑棄德庶習

逸德謂貨利聲色

帝欽罰之乃倅我有夏式商受命奄甸萬姓

莊云欽嚴也欽嚴同聲轉注字本通

也夏古文作會與會字相近故以會為夏即上三有會也式商言法湯之大法也乃倅我有會式商句受命奄甸萬姓句

亦越文王武王克知三有宅心灼見三有俊心以敬事上帝立

民長伯

俊漢石經作會莊云會合也聚也言俊又今皆聚于其官也上三有俊下俊有德之俊同東晉古文以三宅三

俊相對改會為俊不知三俊乃言會于三宅之俊本不與三宅並舉而言傳又誤解三宅經義益晦矣說文焯明也周書

焯見三有俊心或據此以駁石經然說文亦有傳寫之失以大義求之石經爲長段云灼焯同音假借字莊云論語卓爾之卓當作焯附記於此

謹案賢俊者上帝之心也文武能官人所以事天治民卽夏大王之顓俊尊上帝也傳以郊祀建侯解之於義儉矣

立政任人準夫牧作三事

王伯申云政正通官之長也下凡言立政者並同皆謂建官也謹案古者官制六卿師保四輔牧伯有專職者有兼官者三事大夫在王左右者常數十人不皆專職傳以常任準人牧治天地人三事卽漢書引司馬主天司空主土司徒主人之說非周初官制也

虎賁綴衣趣馬小尹左右攜僕百司

謹案小尹句左右攜僕百司句香谷樓百

謹案虎賁掌宿衛者綴衣掌衣服者趣馬掌王馬者各數百人立小正以統之若今領侍衛內大臣內務府總管是也左右攜僕百司者如僕人師射人師之屬其屬亦百司也

庶府大都小百藝人表臣百司

謹案庶府周官有九府主貨財者周官鄭注大都在曷地爲公及王子弟所食采邑立小伯以統之藝人表臣百司者古者工執藝事以諫若今科道亦百司也

大史尹伯庶常吉士

謹案周官大史副二大宰尹伯對士小尹小伯言之董子以周召太公與史佚列四軋則大史非下大夫尹伯者若今翰林院掌院學士教習庶吉士者也庶常吉士謂九德之士總

上三事以下言之傳疏據周官以趣馬爲下士左右攜僕謂寺人內小臣等百司庶府謂百官有司之下主券契府藏之吏其下賤人非百官有司之身庶常吉士謂眾掌常事之善士爲長官者不爲長官則百司也皆非也

司徒司馬司空亞旅

謹案此侯國官制司徒司馬司空三卿也亞下大夫也旅上士中士下士也周官太宰施典于邦國所謂設其參傳其五陳其殷置其輔是也

夷微盧烝

謹案夷微盧皆從武王伐紂者烝君也立之君而不爲官制從其俗春秋夷狄無大夫本此義

三亳阪尹

鄭曰三亳者湯舊都之民服文王者分爲三邑其長居險故曰阪尹蓋東成皋南轅轅西降谷也 謹案三亳究不可考

鄭泥阪字以爲山險之處分爲三 皇甫謐以蒙爲北亳穀熟爲南亳偃師爲西亳後案駁之當矣經意蓋以前代舊都亦不以封諸侯阪則九州之險王制所謂名山大澤不以封諸侯者皆立尹以統之漢制郡國雜治本此史記序立政在周官後則此乃周公相成王時所定制鄭以爲文王時涉下文而誤也

文王惟克厥宅心乃克立茲常事司牧人以克俊有德

漢石經殘碑有

王維厥度心乃六字蓋今文無克字凡古文宅今文作度莊云俊當作會

謹案常事司牧人謂三事也

文王罔攸兼于庶言庶獄庶慎惟有司之牧夫是訓用違庶獄

庶慎文王罔敢知于茲

謹案訓
順通

傳曰勞於求才逸於任賢

謹案庶言者毀譽之言出納之

責在準人庶獄者訟獄之事輕重之科在司寇庶慎者財賦
之則出入之總在司會有司百司也牧夫其長也牧夫職其
要以達於王其言是者則順之其言非者用違之言夫王務
持大體不以苛察爲明也庶獄庶慎言罔敢知而不及庶言
聽言亦人君之事惟獄訟財賦事有專職陳平爲漢相亦言
有主者不敢兼也

亦越武王率惟牧功不敢替厥義德率惟謀從容德以並受此

丕丕基

此漢石經作茲基作與今文省土也王伯申云古並普聲相近並普也徧也率聿通詞也

謹案救撫也安也替廢也謀心也容寬也言武王率循文王

安民之功不敢廢其義勝之德循其心志順從其寬容覆載

之德以徧受此大業也

烏乎孺子王矣繼自今我其立政立事準人牧夫我其克灼知

厥若丕乃俾亂相我受民和我庶獄庶愼時則勿有閒之

莊宗伯云

丕不通讀若否我其克灼知厥若否句乃俾亂相我受民句勿論衡引作物後案謂災物也句屬下讀

傳曰大曰政小曰事 蔡氏曰勿以小人閒之使得終始其

事此任人之要也

自一話一言我則末惟成德之彥以乂我受民

孫云乂艾通相也

謹案末終也成德之彥即九德之吉士也

烏乎予旦已受人之微言咸告孺子王矣繼自今文子文孫其

勿誤于庶獄庶慎惟正是又之

漢石經殘碑旦以前人之微言後案微言精微之言亦微言也

謹案正長也即有司之牧夫也

自古商人亦越我周文王立政立事牧夫準人則克宅之克由

繹之茲乃俾乂

謹案自古夏也宅度也孫云由用也繹敦通終也又治也

國則罔有立政用儉人不訓于德是罔顯在厥世

漢石經殘碑訓德是罔顯

哉厥世無于字在作哉古通東觀餘論同莊云訓順通哉載通訓成也在終也

馬曰儉利佞人也孫云顯光也

繼自今立政其勿以儉人其惟吉士用勸相我國家

說文儉問也引周書

曰勿以儉人無其字段云壁中文儉乃今之驗字古文多假借也釋文儉又作憊孫云說文儉誠也憊疾利也儉儉憊同

音假借字國說文引作邦辭
勉力也小徐本讀與厲同

今文子文孫孺子王矣其勿誤于庶獄惟有司之牧夫其克詰

爾戎兵以陟禹之迹方行天下至于海表罔有不服以觀文王

之耿光以揚武王之大烈

齊語方行於天下韋昭注方當作橫
孫云方旁通溥也段云橫充也漢石

經殘碑耿作鮮書大傳洛誥篇以勤文王之鮮光以揚武王
之大訓觀作勤耿作鮮東觀餘論亦引鮮光段云今文如是

馬曰詰實也

後案王制九州方三千里鄭注以爲殷制周

公相成王致太平復禹之舊九服亦方萬里以要服之內方

七千里爲九州故曰陟禹之迹也

謹案周公以周家忠厚

開基慮後王積弱爲蠻夷所逼故大建親賢以守衛中國特

著詰兵之訓於勿誤庶獄之後示戒深矣然觀光揚烈所謂

耀德不觀兵也祭公謀父之詩書真善述先訓者哉

烏乎繼自今後王立政其惟克用常人周公若曰太史司寇蘇
公式敬爾由獄以長我王國茲式有愼以列用中罰

謹案敬於古通列古

邇字禮服問上附下附
附列也鄭注等比也

傳曰太史掌六典有廢置官人之制故告之 後案左氏春

秋蘇忿生以溫爲司寇杜注溫今河內溫縣是蘇在東都畿
內以寰內侯爲卿士也國語已姓有蘇顧溫董則蘇公已姓
也 謹案言蘇公能矜愼用獄以永延國祚茲用其條列著
爲中典刑平國用之若世輕世重則上附下附可也戒後人
無造獄至暴秦用商鞅法令如牛毛不旋踵而天下亡矣敬
愼之訓勿誤之戒非保邦永祚之大本歟

皇清經解續編卷二百四十六終

皇清經解續編卷二百四十六終

仁和邵順穎校
桐城姚永槩校

皇清經解續編卷三百四十七

南菁書院

尚書今古文集解二十五

武進劉逢祿申受著

顧命第二十五

周書

惟四月哉生魄王不懌

漢律志引作惟四月哉生霸王有疾不豫段云今文釋文懌馬本作釋

鄭曰此成王二十八年居攝六年為年端至此三十年臨終

出命故謂之顧命將去之意也回首曰顧 馬曰不釋疾不

解也 後案四月建卯月也哉生魄劉歆三統術以為十五

日孔傳以為十六日下文甲子上無越幾日字則不可考其

何日矣

甲子王乃洮頰水

說文洮古文作頰段云今本說文多誤作頰脫収字

馬曰洮洮髮也頰頰面也

謹案虞翻別傳奏鄭元解尚書